

Prome Minister Sr. Mike Eman

No tin ningun intencion di amplia e cantidad di minister nan di 8 pa 9 minister

ORANJESTAD – E hecho cu den e edificio nobo gobi-erno ta bay traha espacio pa 9 Minister no ta nifica cu ta bay amplia e ministerionan. Prome Minister Mike Eman a indica cu e areglo di estado ta permiti esaki, pero si cualquier gobierno den futuro kier haci amplia e Ministerian, e edificio por acomoda segun e areglo di estado. Loke a pasa den pasado caminda cu pa por a acomoda un persona a crea un expansion di e Minister nan. Esaki ta un base completamente robes pa haci algo asina. Na momento cu AVP a forma gobierno, logicamente den un partido tin mas cu 7 hende cu por bira minister. Esaki no ta motibo pa expande e cantidad di Minis-

ternan.

Di acuerdo cu Mike Eman na momento cu nan a tuma gobernacion di Aruba e situacion financiero economico tabata den un crisis di magnitud grandi y un recesion. Awor aki gobi-erno ta papia di un crecimiento di 10 porshento di economia. Aruba tabata den un recesion di 10 porshento menos cu ta algo severo.

Bou di e circumsntancanan ye, maske un salario di un minister no ta haci y tampoco kibra un presupuesto di un pais cu tin entrada di mil mion florin, pero e señal cu ta manda ta robes pa comunidad na momentonan di austeridad asina. Pa e base di e sosten moral

y efico cu un gobierno mester gosa di dje, pa e motibo ey no a considera esaki.

Maske ora a haci reparticion di cartera cierto Ministerio ta keda pisa cu e ausencia duna un secretario di estado pa e Ministerian. E cantidad di cartera y atencion cu e Ministerionan mester haya obviamente ta hopi pisa.

Ta importante pa constata esaki dor di experiencia, prome cu yega na reparticionnan cu no ta logico y no ta carga apoyo den comunidad.

Na e momento nan aki AVP ta dos aña den gobernacion y por analisa y evalua e reparticion di cartera y e

funcionamento. Sr. Mike Eman a indica tambe con por den futuro mehora esaki. Actualmente no tin un plan pa redistribui e cartera y tampoco amplia e carteranan. Smeper esey ta keda prerogativo di gobierno y Parlamento pa haci e evaluacionnan di e reparticion di cartera. Por haci un cambio, pero awor aki no tin e idea di esaki.

Sr. Mike Eman a indica cu e gasto di un Ministerio ta ser evalua ora e ta existi. Ora e personal ta na luga y traspasa e cantidad di staff cu tin bou di un Minister y crea un Minister, ta e salario di e Minister y dos pa tres hende rond di dje. E aparato mes ta existi caba.



Prome Minister Sr. Mike Eman

Si ta esey no ta papiando di gastonan grandi, pero semper mester midi tambe con e comunidad ta experiencia tipo di ampliacionnan asina na momento cu ainda Aruba ta saliendo di temponan dificil. □